

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИННИГ
ҚАРОРИ



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

„16“ май 2018 г. № 367

Тошкент ш. – г. Ташкент

**Угом-Чотқол давлат биосфера резерватини
ташкил этиш тўғрисида**

“Мухофаза этиладиган табиий худудлар тўғрисида”ги Ўзбекистон Республикаси Конунини амалга ошириш, шунингдек, Тошкент вилоятининг алоҳида экологик, тарихий ва эстетик аҳамиятга молик табиий объектларини кейинчалик сақлаб қолиш, табиий ресурсларини мухофаза қилиш, қайта тиклаш ва улардан барқарор фойдаланиш мақсадида Вазирлар Маҳкамаси қарор қиласди:

1. Тошкент вилоятининг Бўстонлиқ, Оҳангарон ва Паркент туманлари худудларининг бир қисмида буюртма қўриқхона ташкил этилганлиги ва у доимий фойдаланиш ҳукуқи билан “Ўзбекистон темир йўллари” АЖга берилганлиги маълумот учун қабул қилинсин.

2. Тошкент вилоятининг Бўстонлиқ, Оҳангарон ва Паркент туманлари худудларининг бир қисмида буюртма қўриқхона негизида умумий майдони 42952,81 гектар бўлган Угом-Чотқол давлат биосфера резервати (кейинги ўринларда давлат биосфера резервати деб аталади) иловага мувофиқ ташкил этилсин.

3. Белгилаб қўйилсинки:

биосфера резервати “Ўзбекистон темир йўллари” АЖ юритувида бўлади;

биосфера резерватининг қўриқлаш ходимлари тегишли ҳукуклар ва имтиёзлар берилган ҳолда экология ва атроф мухитни мухофаза қилиш бўйича давлат инспекторларига тенглаштирилади.

“Ўзбекистон темир йўллари” АЖга берилаётган биосфера резерватига фаолиятни молиялаштириш манбалари, шу жумладан қонун ҳужжатларида тақиқланмаган молиялаштиришнинг бошқа манбалари, мухофаза этиладиган худудларга бериладиган имтиёзлар ва переференциялар сақланиб қолади.

4. “Ўзбекистон темир йўллари” АЖ:

Ўзбекистон Республикаси Ер ресурслари, геодезия, картография ва давлат кадастри давлат қўмитаси ҳамда Экология ва атроф мухитни мухофаза қилиш давлат қўмитаси билан биргаликда икки ҳафта муддатда биосфера резервати худудини зоналарга бўлсин, ҳар бир зонанинг (қўриқхонага айлантирилган зона, оралиқ зона, ўтиш зонаси) чегараларини батафсил тавсифләсин;

17.05.2018 й. Угом-Чотқол давлат биосфера резервати тўғрисидаги низом лойиҳасини бир ой муддатда тасдиқлаш учун Ўзбекистон Республикаси Вазирлар Маҳкамасига киритсин;

биосфера резерватидан самарали фойдаланилишини, табиий обьектлар ва мажмуаларни сақлаш, қайта тиклаш ва тиклаш чора-тадбирлари амалга оширилишини таъминласин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринbosари - “Ўзбекистон темир йўллари” АЖ бошқаруви раиси А.Ж.Рамтов ҳамда Ўзбекистон Республикаси Экология ва атроф муҳитни муҳофаза қилиш давлат қўмитаси раиси Б.Т.Қўчкоров зиммасига юклансин.

Ўзбекистон Республикасининг
Бош вазири



А. Арипов

Вазирлар Махкамасининг
2018 йил 16 майдаги
367 – сон карорига
илова

**Тошкент вилоятининг Бўстонлиқ, Оҳангарон ва Паркент туманларида
жойлашган Угом-Чотқол давлат биосфера резервати ҳудуди**

I. Ҳудудлар рўйхати

Контур зоналари	Ҳудудлар номи	Берилётган табиатни муҳофаза қилиш объектлари	Майдони, га
1	Паркент тумани	«Паркент» ўрмон хўжалигининг 1-участкаси	9 207,7
2		«Чанги» массиви ҳудуди	401,31
3		«Гулбог» массиви ҳудуди	44,0
4		«Паркент» ўрмон хўжалигининг 2-участкаси	7 785,3
5		Кон мелиорацияси синов пункти	1 066,0
6		Чотқол давлат биосфера қўриқхонасининг Бошқизилсой участкаси*	11 018,0
7		«Паркент» ўрмон хўжалигининг 3-участкаси	641,0
8		«Паркент» ўрмон хўжалигининг 1-участкаси	1 433,5
9	Бўстонлик тумани	«Бурчмулла» ўрмон хўжалиги	256,0
10	Оҳангарон тумани	«Шоввозсой» ўрмон хўжалиги	11 100,0
Жами			42 952,81

**Уибу ҳудудда давлат қўриқхоналари учун назарда қўриқхона зonasи сакланаб қолади.*

II. Контур зоналари билан ҳудудлар чегараси

